


БАТЛАВ
“МОНГОЛЫН ТӨМӨР ЗАМ” ТӨХК-
ИЙН ГҮЙЦЭТГЭХ ЗАХИРАЛ



Б.ЦЭНГЭЛ

БАТЛАВ.
ЗЭВСЭГТ ХҮЧНИЙ ЖАНЖИН ШТАБЫН
ДАРГА, ХОШУУЧ ГЕНЕРАЛ



А.ГАНБАТ

БАРИЛГА УГСРАЛТЫН АЖИЛ ГҮЙЦЭТГЭХ ГЭРЭЭ

АГТ-19/178166/60

Энэхүү гэрээг Барилгын тухай, Иргэний хууль болон бусад хууль тогтоомжийг удирдлага болгон:

- (1) “МОНГОЛЫН ТӨМӨР ЗАМ” ТӨХК, түүнийг төлөөлж Инженер технологийн хэлтсийн дарга Д.Нямлхагва (цаашид “Захиалагч буюу “МТЗ” ТӨХК гэх) ;
- (2) Зэвсэгт хүчний жанжин штаб, түүнийг төлөөлж Зэвсэгт хүчний 339 дүгээр ангийн захирагч, дэд хурандаа Ш.БАТДАВАА (цаашид “Гүйцэтгэгч” гэх);

нар (цаашид хамтад нь “Талууд” гэх) Гүйцэтгэх ажил, хугацаа, ажлын үнэ, хөлсний хэмжээг харилцан тохиролцож дараах нөхцлөөр байгуулав.

Нэг. Нийтлэг үндэслэл

1.1 Гэрээний зорилго нь Гүйцэтгэгч нь гэрээнд заасан ажлыг тохиролцсон хугацаанд хийж гүйцэтгэх, Захиалагч тал нь үнэ, ажлын хөлсийг гэрээнд заасны дагуу төлөхтэй холбогдон үүсэх харилцааг зохицуулах, Талуудын эдлэх эрх, хүлээх үүрэг, хариуцлага болон тэдгээртэй холбогдсон бусад харилцааг тодорхойлох, зохицуулахад оршино.

1.2 Ажил гүйцэтгэх гэрээний зүйл нь Дорноговь аймгийн Улаанбадрах сумын нутаг дахь Таван толгой-Зүүнбаян чиглэлийн төмөр замын 6 дугаар зөрлөгийн Удирдлагын барилгыг барих ажил байх ба энэ нь гүйцэтгэсэн ажлын үр дүн болно.

1.3. Барилгын ажил гүйцэтгэхдээ үр ашигтай техник, технологийг сонгон ажиллах ба барилгын ажил гүйцэтгэх хугацааг богиносгож, барилгын чанарыг зураг төсөл, барилгын норм, дүрэмд заасан нормативт хэмжээнээс бууруулалгүй, төлөвлөсөн санхүүжилтэд багтаах, нөөц бололцоог ашиглах, хэмнэлтийн зарчмыг баримтлан ажиллана.

1.4. Талууд барилгын ажлын зураг төсөл, ажлын тоо, хэмжээ, ажлын хуваарь, хугацаа, төсөвтэй танилцаж санал, дүгнэлт гаргасан байна.

1.5. Гэрээний 1.4-д заасан бичиг баримт нь гэрээний хавсралт байх ба энэ нь Гэрээний нэгэн адил хүчин төгөлдөр, түүний салшгүй хэсэг байна. Үүнд:

Хавсралт-1: Зураг төсөл;

Хавсралт-2: Ажлын зураг, төсөв, ажлын тоо хэмжээ;

Хавсралт-3: Санхүүжилтын хуваарь;

Хавсралт-4: Ажил гүйцэтгэх хуваарь, хугацаа.

1.6. Талууд энэхүү гэрээг хэрэгжүүлэх явцад гэрээнд заагаагүй, урьдчилан төлөвлөх боломжгүй бусад асуудал, харилцаа үүссэн тохиолдолд Монгол Улсын Хууль тогтоомж, олон улсын болон үндэсний стандарт, барилгын норм ба дүрэм, журамд заасны дагуу шийдвэрлэнэ.

1.7 Барилгын үйл ажиллагааг Барилгын тухай хуульд заасан нөхцөл, журмын дагуу тусгай зөвшөөрөл, техникийн нөхцөл, барилгын ажлын зөвшөөрлийн үндсэн дээр гүйцэтгэнэ.

Хоёр. Гэрээний хугацаа

2.1 Гүйцэтгэгч барилга угсралтын ажлыг 2019 оны 08 дугаар сарын 30-ны өдөр эхэлж, 2019 оны 12 дугаар сарын 01-ний дотор дуусгаж хүлээлгэн өгнө.

2.2 Гүйцэтгэсэн ажлыг гэрээний Хавсралт 4-т заасан ажил гүйцэтгэх хуваарь, хугацааны дотор МТЗ-д тухай бүр хүлээлгэн өгнө.

2.3 Талууд гэрээний хугацааг харилцан тохиролцооноор бичгээр үйлдэн сунгаж болно.

2.4 Давагдашгүй хүчин зүйл тохиолдсон бол ийнхүү давагдашгүй хүчин зүйл үргэлжилсэн хугацаагаар ажил гүйцэтгэх хугацааг сунгасанд тооцно.

2.5 Давагдашгүй хүчин зүйлээс бусад тухайлбал, ажил гүйцэтгэгчийн үйл ажиллагаа, зохион байгуулалт, ажил гүйцэтгэхэд шаардагдах техник тоног төхөөрөмжийг тээвэрлэхэд гарсан аливаа саатал, эрсдэл, санхүүгийн хүндрэл, энэ гэрээнд заасны дагуу ажлын гүйцэтгэлийн доголдлыг арилгасан зэрэг нь ажил гүйцэтгэх хугацааг өөрчлөх, хойшлуулах үндэслэл болохгүй.

2.6 Ажлыг хугацаанд нь гүйцэтгээгүй, эсхүл хугацаа хожимдуулж гүйцэтгэсэн нь Захиалагчийн зүгээс Гүйцэтгэгчид Иргэний хуульд заасан алданги болон торгууль ногдуулах үндэслэл болно.

Гурав. Гэрээний үнэ, төлбөрийн нөхцөл

3.1 Энэхүү гэрээгээр гүйцэтгэх ажлын үнэ, хөлс нь **692 223 094** төгрөг байна.

3.2 Гэрээний үнэ, төсөв, үнийн задаргааг хавсралт-2-д заасан ба үнэ, хөлсөнд холбогдох татвар, хураамж, цалин хөлс, үндсэн ажлын зардал, бараа, материал, техник, тээвэр, холбогдох бусад зардал бүгд багтсан болно.

3.3 Гэрээний үйлчлэх хугацаанд гэрээний үнэ өөрчлөгдөхгүй ба үнэ, төлбөрийг Монгол Улсын мөнгөн тэмдэгт төгрөгөөр гүйцэтгэнэ.

3.4 Гэрээний 3.1-д зааснаар гэрээний ажлын төлбөрийг дараах байдлаар шилжүүлнэ. Үүнд:

а) урьдчилгаа ажлын үнэ, хөлс- (гэрээн хүчин төгөлдөр болсон өдрөөс хойш ажлын 5 хоногийн дотор) – 50%;

б) гэрээний явцад төлөх ажлын үнэ, хөлс-(ажлын 5 хоногийн дотор)-30% .

в) үлдэгдэл ажлын үнэ, хөлс-(ажил хүлээлцсэний дараа ажлын 5 хоногийн дотор)-20%.

3.5 Захиалагч нь Барилга байгууламжийг ашиглалтад зүгшрүүлэх, тохируулах хугацаанд Гүйцэтгэгчээс гэрээгээр хүлээсэн үүргийн биелэлтийг баталгаажуулах зорилгоор гэрээний үнийн дүнгийн 5 хувийг уг хугацаа дуустал барьцаанд үлдээнэ.

3.6 Захиалагч ажлын үнэ, хөлсийг нэхэмжлэлийн дагуу Гүйцэтгэгчийн Төрийн сангийн **1000 3001 4401** харилцах дансанд шилжүүлгээр төлнө.

3.7 МТЗ шаардсан тухай бүрт Гүйцэтгэгч нь хийгдэж буй ажлын талаар зохих мэдээлэл, гэрээний хэрэгжилт, тайланг хүргүүлэх ба эдгээр нь ажлын үнэ, хөлс төлөх үндэслэл болно.

3.8 Гүйцэтгэгч ажлыг шаардлага хангасан түвшинд гүйцэтгээгүй тохиолдолд Захиалагч

нь зохих түвшинд хүргэх, шаардлага хангах хүртэл дараагийн ажлын хөлс, төлбөрийг саатуулах эрхтэй.

Дөрөв. Захиалагчийн эрх, үүрэг

4.1. Захиалагч нь Барилгын тухай хуулийн 37 дугаар зүйлд зааснаас гадна зураг төсөл, төсөв, бусад зайлшгүй шаардлагатай баримт бичгийг Гүйцэтгэгчид шилжүүлэн өгөх, мэдээллээр хангах үүрэгтэй.

4.2. Барилгын ажлын санхүүжилтийг ажлын үе шат бүрт тухайн ажлыг баталгаажуулсны дараа төлнө.

4.3. Барилгын ажлын явц, түүний чанар, үр дүнд хяналт тавина.

4.4. Гүйцэтгэсэн барилгын ажилд гологдол, согог илэрвэл тухай бүрт арилгуулна.

4.5 Гүйцэтгэгч гэрээний үүргээ удаа дараа биелүүлээгүй буюу зохих ёсоор биелүүлээгүй бол алданги ногдуулах, ажлын үр дүнг хүлээлгэн өгөх боломжгүй болсон тохиолдолд үнэ, хөлс төлөхөөс татгалзах, Хууль тогтоомжид заасан үндэслэлээр гэрээг нэг талын санаачилгаар цуцлах эрхтэй.

4.6 Гүйцэтгэгчийн ажил зохих норм, дүрэм, стандартын шаардлага хангаагүй тохиолдолд хүлээн авахаас татгалзах, дахин гүйцэтгэхийг шаардах, нөхөн гүйцээхэд гаргасан зардлыг Гүйцэтгэгчээр нөхөн төлүүлэх (төлөх ёстой төлбөрөөс суутган авах) эрхтэй.

4.7 Барилгын ажлыг хүлээн авснаас хойш хуульд зааснаар гомдлын шаардлага тавих эрхтэй.

4.8 Хууль тогтоомжид заасан бусад эрх, үүрэг.

Тав. Гүйцэтгэгчийн эрх, үүрэг

5.1 Барилгын тухай хуулийн 40 дүгээр зүйлд зааснаас гадна зураг төсөл, бусад шаардлагатай мэдээлэл, баримт бичгийг авах, ажил, үүргийг цаг хугацаанд нь мэргэжлийн өндөр түвшинд гүйцэтгэх, Захиалагчаас тавьсан шаардлагыг биелүүлэх, барилгын угсралтын ажлыг хугацаанд нь чанартай гүйцэтгэж Захиалагчид хүлээлгэн өгөх үүрэгтэй.

5.2 Гүйцэтгэгч нь гэрээний үнэ, хөлсийг гэрээнд заасны дагуу төлөхийг шаардах, ажил гүйцэтгэхтэй холбогдуулан нэмэлт мэдээлэл авах, тодорхой үндэслэлээр ажлын хугацаа сунгуулах эрхтэй.

5.3. Гүйцэтгэгчийн гүйцэтгэсэн ажил нь Захиалагчийн баталсан зураг төсөл, норм ба дүрэм зөрчсөн, өөрчлөгдсөн, чанарын шаардлага хангаагүй тохиолдолд тухайн шаардлага хангаагүй гэрээний зүйлийг дахин үнэ төлбөргүй засч, залруулах, арилгах, өгсөн шаардлага, зааварчилгааг биелүүлэх үүрэгтэй.

5.4 Баталгаат хугацааны дотор чанарын доголдол гарвал өөрийн зардлаар засварлах үүрэгтэй.

5.5 Захиалагчийн бичгээр гаргасан зөвшөөрөлгүйгээр Гүйцэтгэгч нь гэрээгээр хүлээсэн үүргээ бусад этгээдээр гүйцэтгүүлэхийг хориглоно.

5.6 Туслан гүйцэтгэгч ажиллуулсан тохиолдолд түүнтэй гэрээ байгуулах, түүний ажил, үүргийг Захиалагчийн өмнө бүрэн хариуцна.

5.7 Ажил гүйцэтгэх явцад өөрийн ажилтны ХАБЭА байдлыг бүрэн хариуцна.

5.8 Хууль тогтоомжид заасан бусад эрх, үүрэг.

Зургаа. Талуудын хүлээх хариуцлага

6.1 Гүйцэтгэгч нь барилгын ажлыг гэрээнд заасан хугацаанд гүйцэтгээгүй, хүлээлгэн өгөөгүй, хугацааг хэтрүүлсэн, чанарын доголдлыг тогтоосон хугацаанд арилгаагүй тохиолдолд хугацаа хэтрүүлсэн хоног тутам гүйцэтгээгүй ажлын үнийн дүнгийн 0.5 хувиар тооцож алданги төлнө.

6.2. Захиалагчийн буруугаас барилга угсралтын ажлыг тасалдуулсан тохиолдолд холбогдох зардлыг Захиалагч хариуцна.

6.3 Алданги төлсөн нь Талуудыг гэрээнд заасан үүргээ гүйцэтгэх, учирсан хохирлыг нөхөн төлөхөөс чөлөөлөх үндэслэл болохгүй.

Долоо. Давагдашгүй хүчин зүйл

7.1 Гэрээний аль нэг тал давагдашгүй хүчин зүйл тухайлбал газар хөдлөлт, үер, гал түймэр, салхи, шуурга, халдварт өвчний тархалт, хорио цээр болон байгалийн бусад аюулт үзэгдэл, ажил хаялт, төрийн байгууллагын шийдвэр, оролцоо зэрэг нөхцөл байдлын улмаас гэрээгээр хүлээсэн үүргээ биелүүлэх боломжгүй болсон тохиолдолд гэрээний хариуцлагаас /алданги, торгууль/ чөлөөлөгдөх үндэслэл болно.

7.2 Гэнэтийн буюу давагдашгүй хүчин зүйлийн улмаас Захиалагч буюу Гүйцэтгэгч нь гэрээгээр хүлээсэн үүргээ зохих хугацаанд хийж гүйцэтгээгүй бол шаардлагатай хугацаагаар сунгаж болно.

7.3. Бараа, материал, түүхий эдийн хомсдол, үнийн өсөлт, үйлдвэрлэгч болон бараа нийлүүлэгчийн шийдвэр, хязгаарлалт нь гэнэтийн буюу давагдашгүй хүчин зүйлд хамаарахгүй.

Найм. Маргаан шийдвэрлэх

8.1. Гэрээг биелүүлэхтэй холбогдон Талуудын хооронд үүссэн санал, зөрөлдөөн маргааныг талууд харилцан тохиролцоо замаар шийдвэрлэнэ.

8.2. Хэрэв маргаантай асуудлаар Талууд тохиролцоонд хүрч чадахгүй тохиолдолд уг асуудлыг харьяалах шатны шүүхээр шийдвэрлүүлнэ.

Ес. Гэрээнд нэмэлт, өөрчлөлт оруулах

9.1. Барилгын ажил гүйцэтгэх явцад барилгын ажил, үнэ, хөлсөөс бусад нөхцөлд оруулсан аливаа нэмэлт өөрчлөлт нь Талууд харилцан тохиролцож, зөвхөн бичгээр хийгдэж гарын үсэг зурснаар хүчин төгөлдөр болох ба энэ нь гэрээний салшгүй хэсэг байна.

Арав. Гэрээг цуцлах

10.1 Талууд харилцан тохиролцож хууль тогтоомжид заасан үндэслэлээр гэрээг хугацаанаас нь өмнө цуцалж болно.

Арваннэг. Ажлын стандарт шаардлага, доголдол арилгах, баталгаа

6.1 Барилга байгууламж, төсөв, барилгын материал бүтээгдэхүүн нь Барилгын тухай хуулийн 13, 14 дүгээр зүйлд заасан шаардлагыг хангасан байна.

6.2 Гүйцэтгэгч нь энэхүү гэрээний хавсралтад заасан ажлын зураг төсөл, төсөв, техникийн тодорхойлолтын шаардлагын дагуу гүйцэтгэсэн, зохих стандартад нийцсэн ажлын үр дүнг хүлээлгэж өгнө.

6.3 Гүйцэтгэгч нь ажлын үр дүнд Иргэний хуульд заасны дагуу 3 жилийн баталгаа гаргаж өгнө.

6.3 Талууд ажлыг зохих журмын дагуу гүйцэтгээгүй, доголдол, эвдрэл гэмтэл гарсан, стандартын шаардлага, төрийн эрх бүхий байгууллагын чиглэл, удирдамжийг зөрчиж гүйцэтгэсэн нь ажлын гүйцэтгэлийг хянах явцад болон баталгаат хугацаанд илэрсэн бол уг зөрчлийг үнэ төлбөргүй засварлаж, доголдлыг арилгах үүрэгтэй.

Арванхоёр. Бусад зүйл

11.1 Гэрээ нь Талуудын эрх бүхий этгээд гарын үсэг зурснаар хүчин төгөлдөр болж, гэрээний нөхцөл бүрэн биелэгдсэн эсхүл хуульд заасан үндэслэлээр дуусгавар болно.

11.2 Талууд гэрээг хэрэгжүүлэх явцад олж мэдсэн байгууллага, хувь хүний нууцад хамаарах аливаа мэдээ мэдээллийг бусдад бичгэн буюу аман хэлбэрээр задруулах, гэрээнд зааснаас өөр зорилгоор ашиглахыг хориглоно. Энэ заалт нь Гүйцэтгэгчийн төлөөлөгч, бүх ажилтан болон туслан гүйцэтгэгч нарт нэгэн адил хамаарна.

11.3 Гэрээнд тусгагдаагүй бусад асуудлыг Монгол Улсын холбогдох хууль тогтоомжийн дагуу зохицуулна.

11.4 Гэрээг хоёр хувь үйлдэж, тал тус бүр нэг хувийг хадгалах бөгөөд хувь тус бүр хууль зүйн адил хүчинтэй байна.

ГЭРЭЭ БАЙГУУЛСАН:


Захиалагч:

“Монголын төмөр зам” ТӨХК-ийн
Инженер технологийн хэлтсийн
дарга

 Д.Нямлхагва

Барилгын инженер

 О.Билгүүн



Харилцах утас: 99116455, 88117447

Хаяг: Улаанбаатар хот, Сүхбаатар дүүрэг, 13 дугаар хороолол, 1 дүгээр хороо, UNION BUILDING, А блок, 7 дугаар давхар

Гүйцэтгэгч:

ХЯНАСАН:


Зэвсэгт хүчний бүтээн байгуулалт,
дэмжлэгийн газрын дарга, хурандаа

 Г.Батсуурь

Зэвсэгт хүчний бүтээн байгуулалт,
дэмжлэгийн газрын гэрээ, хэлэлцээрийн
мэргэжилтэн, ахлах дэслэгч

 Э.Сэржмядаг

Зэвсэгт хүчний 339 дүгээр ангийн
захирагч, дэд хурандаа

 Ш.Батдаваа

Харилцах утас: 9209 0625, 0440401

Хаяг: Баянхонгор аймаг, Баянхонгор сум,
Зэвсэгт хүчний 339 дүгээр анги

БАТЛАВ
ЗЭВСЭГТ ХҮЧНИЙ 339 ДҮГЭЭР АНГИЙН ЗАХИРАГЧ
ДЭД ХУРАНДАА Ш.БАТДАВАА

2019 оны ... сарын ...-ны өдөр

МОНГОЛЫН ТӨМӨР ЗАМ ТӨХК-ТАВАНТОЛГОЙ, ЗҮҮНБАЯН ЧИГЛЭЛИЙН ТӨМӨР ЗАМЫН "ЗӨРЛӨГ-6"-ИЙН
12.0 x 18.0 МЕТР ХЭМЖЭЭТЭЙ УДИРДЛАГЫН БАЙРНЫ БАРИЛГА УГСРАЛТЫН АЖЛЫН ГРАФИК

№	Хийгдэх ажлууд	8 сар					9 сар					10 сар					11 сар					
		27	28	29	30	31	1	7	14	21	28	5	13	20	27	4	11	18	25	30		
1	Барилгын материалын татан авалт	—	—	—																		
2	Баянхонгор-Улаанбаатар-Зүүнбаян чиглэлд хөдөлгөөн үйлдэнэ			—	—	—																
3	Газар шорооны ажил					—	—	—														
4	Суурийн ажил							—	—	—												
5	Багана, дамнурууны ажил								—	—	—											
6	Шалны ажил								—	—	—											
7	Хучилтын ажил										—	—										
8	Хана, хамар ханын ажил										—	—										
10	Хаалга, цонхны ажил											—	—									
11	Дотор заслалын ажил												—	—								
12	Гадна заслалын ажил													—	—							
13	Дээврийн ажил														—	—						
14	Цахилгааны ажил														—	—						
15	Сантехникийн ажил /дотор, гадна/															—	—					
16	Агаар, салхивчийн ажил																—	—				
17	Бусад ажил, /гадна довжоо хаяавч/	—	—	—	—	—	—	—	—	—	—	—	—	—	—	—	—	—	—			

ХЯНАСАН:

ЗАХИРАГЧИЙН ОРЛОГЧ, ЕРӨНХИЙ ИНЖЕНЕР
АХМАД О.БАТБОЛД

ТӨЛӨВЛӨСӨН:

ҮЙЛДВЭРЛЭЛ, МАРКЕТИНГИЙН ТАСГИЙН ДАРГА
АХМАД М.МӨНХБИЛГҮҮН

Таван толгой-Зүүнбаян чиглэлийн төмөр замын

“Зөрлөг -6” –ийн Удирдлагын байр, Ажилчдын орон сууцны барилга, гадна тохижилт, гадна цэвэр бохир усны шугамын угсралтын ажлын төсөв

ТӨСӨВТ ӨРТӨГ : 1 720 080 227 ТӨГРӨГ



2019 .ОН

Таван толгой ,Зүүнбаян чиглэлийн төмөр замын

"Зөрлөг -6 "-ийн Удирдлага, Ажилчдын орон сууцны барилга, гадна цэвэр бохир ус ,гадна тохижилтын угсралтын ажлын төсөв

	Зардлын нэр төрөл		12 Айлын орон сууцны барилга			Удирдлагын барилга /цахилгаан тогооны хамт/	Гадна тохижилт	Гадна бохир ус-135м ,6м3 бохир усны цооног шингээх талбай , гадна цэвэр ус -70м	Гадна хашаа	Нийт дүн
			Барилга	Цахилгаан халаалтын тогоо	Дүн					
1	Ажиллах хүчний зардал		153,813,819	1,529,664	155,343,483	57,503,600	7,733,024	31,373,200	1,307,957	253,261,264
2	Материал		461,409,942	9,698,311	471,108,253	227,349,285	54,057,595	28,474,500	4,948,107	785,937,740
3	Тээвэр		93,293,667	174,169	93,467,836	43,876,020	8,642,754	9,488,614	1,206,976	156,682,200
4	Механизм		22,505,121	125,185	22,630,306	10,856,512	4,208,303	10,982,235	62,751	48,740,107
	Дүн		731,022,549	11,527,329	742,549,878	339,585,417	74,641,676	80,318,549	7,525,791	1,244,621,311
5	Бусад нэмэлт зардал	0.699	54,929,577	546,270	55,475,847	20,535,531	2,761,597	11,588,597	483,132	90,844,704
	Дүн		785,952,126	12,073,599	798,025,725	360,120,948	77,403,273	91,907,146	8,008,923	1,335,466,015
6	Төсөвт ашиг	15%	117,892,819	1,811,040	119,703,859	54,018,142	11,610,491	13,786,072	1,201,338	200,319,902
	БУА-н дүн		903,844,945	13,884,638	917,729,583	414,139,091	89,013,763	105,693,218	9,210,261	1,535,785,917
7	НӨАТ	10%	90,384,495	1,388,464	91,772,958	41,413,909	8,901,376	10,569,322	921,026	153,578,592
8	Нормчлолын сан	0								
	Дүн		994,229,440	15,273,102	1,009,502,542	455,553,000	97,915,140	116,262,540	10,131,288	1,689,364,509
9	Захиалагчийн албаны зардал									
10	Зураг төсөл зохиогчийн хяналтын зардал									
11	Магадлашгүй ажил		18,076,899	277,693	18,354,592	8,282,782	1,780,275	2,113,864	184,205	30,715,718
	Нийт дүн		1,012,306,338	15,550,795	1,027,857,133	463,835,782	99,695,415	118,376,405	10,315,493	1,720,080,227
	Төсөвт өртгийн дүн		1,012,306,338	15,550,795	1,027,857,133	463,835,782	99,695,415	118,376,405	10,315,493	1,720,080,227

Нэгтгэл гаргасан: Төсөвчин:

Я.Чүнсриймтав

